

2003 nr. 79 26. mars**Lög um námsstyrki**

Tóku gildi 1. júlí 2003. *Breytt með l. 108/2011 (tóku gildi 17. sept. 2011).*

Ef í lögum þessum er getið um ráðherra eða ráðuneyti án þess að mállefnasvið sé tilgreint sérstaklega eða til þess vísað, er átt við **mennta- og menningarmálaráðherra** eða **mennta- og menningarmálaráðuneyti** sem fer með lög þessi.

■ 1. gr.

□ Ríkissjóður veitir námsstyrki til jöfnunar á fjárhagslegum aðstöðumun nemenda í framhaldsskónum [og háskólum]¹⁾ að því leyti sem búseta veldur þeim miðungum fjárhagsþróðum eða efnaleysi torveldar þeim nám.

¹⁾ L. 108/2011, 1. gr.

■ 2. gr.

□ Réttar til námsstyrka samkvæmt lögum þessum njóta nemendur sem:

1. eru íslenskir ríkisborgarar eða erlendir ríkisborgarar sem eiga rétt til námsstyrks samkvæmt samningi íslenska ríkisins við önnur ríki,

2. [stunda reglubundið framhaldsskólanám hér á landi eða framhaldsskólanám erlendis og nemandi getur ekki stundað sambærilegt nám frá lögheimili hér á landi eða öðrum jafngildum dvalarstað],¹⁾

[3. hafa ekki náð 18 ára aldri og stunda reglubundið nám á háskólastigi hér á landi sem miðar að skilgreindum námslokum við fræðasvið háskóla sem hlotið hefur viðurkenningu ráðherra samkvæmt lögum um háskóla],¹⁾

[4.]¹⁾ annaðhvort eru það efnalitlir að efnaleysi torveldar þeim nám eða verða að dveljast fjarri fjölskyldu sinni vegna námsins, enda sé ekki unnt að stunda sambærilegt nám frá lögheimili eða öðrum dvalarstað.

□ Eigi skulu þeir njóta styrks sem eiga rétt til láns úr Lánaþjóði íslenskra námsmanna eða njóta hliðstæðrar fyrir greiðslu.

¹⁾ L. 108/2011, 2. gr.

■ 3. gr.

□ Námsstyrkir samkvæmt lögum þessum eru:

1. Dvalarstyrkur sem samanstendur af ferðastyrk, fæðistyrk og húsnaðisstyrk. Skilyrði dvalarstyrks er að nemandi verði að vista sig a.m.k. 30 km frá lögheimili og fjarri fjölskyldu sinni vegna námsins. Þó er heimilt að veita dvalarstyrk þótt fjarlægð sé styttri en 30 km ef samgöngur til og frá skóla eru nemanda sérstaklega erfiðar, m.a. með tilliti til veðráttu, ástands vega eða skorts á almenningssamgöngum.

2. Skólaakstursstyrkur. Skilyrði skólaakstursstyrks er að nemandi verði að sækja skóla fjarri fjölskyldu sinni og eigi ekki rétt á dvalarstyrk.

3. Sérstakir styrkir sem námsstyrkjaneftnd er heimilt að veita efnalitum nemendum.

■ 4. gr.

□ Fjárhæð styrkja samkvæmt lögum þessum er ákveðin með hliðsjón af þeiri heildarfjárhæð sem veitt er til námsstyrkja á fjárlögum ár hvert.

■ 5. gr.

□ [Ráðherra]¹⁾ skipar [priggja]¹⁾ manna námsstyrkjaneftnd sem skal sjá um úthlutun námsstyrkja. Námsstyrkjaneftnd er skipuð sem hér segir: Tveir nefndarmanna skulu skipaðir án tilnefningar og skal annar þeirra vera formaður nefndarinnar ...¹⁾ og einn eftir tilnefningu Sambands íslenskra sveitarfélaga. Skulu þeir allir skipaðir til fjögurra ára í senn. ...¹⁾

¹⁾ L. 108/2011, 3. gr.

■ 6. gr.

□ Námsstyrkjaneftnd leggur fyrir [ráðherra]¹⁾ tillögur um árlegar fjárveitingar í samræmi við markmið laga þessara sem skulu grundvallast á upplýsingum um ferðakostnað, fæðiskostnað og húsnaðiskostnað nemenda, kostnað nemenda vegna skólaaksturs sem og öðrum upplýsingum sem við eiga hverju sinni. Í tillögum nefndarinnar skal koma fram hvernig fjárveitingar skulu skiptast á milli styrktategunda.

□ Námsstyrkjaneftnd auglýsir eftir umsóknum um styrki sérstaklega fyrir vor- og haustönn og úthlutar styrkjum að umsóknarfresti loknum. Útborgun námsstyrkja skal fara fram í tvennu lagi fyrir vor- og haustönn. Skilyrði úthlutunar er að viðkomandi skóli hafi staðfest námsástundun og námsárangur umsækjanda í lok haustannar og í lok vorannar.

¹⁾ L. 108/2011, 4. gr.

■ 7. gr.

□ Ef nemandi gerir athugasemdir við niðurstöðu námsstyrkjaneftndar skal nefndin taká mál hans fyrir að nýju. Athugasemdir við niðurstöðu námsstyrkjaneftndar skulu vera skriflegar og hafa borist nefndinni innan 30 daga frá því að nemanda var tilkynnt um niðurstöðuna. Ákvörðun nefndarinnar skal liggja fyrir eigi síðar en 30 dögum eftir að gagnagöflun lýkur.

□ Ef nemandi sækir um styrk vegna efnaleysis er námsstyrkjaneftnd heimilt að óska eftir nauðsynlegum upplýsingum um efnahag nemanda og foreldra hans hjá skattyfirvöldum og öðrum opinberum stofnum.

■ 8. gr.

□ [Ráðherra]¹⁾ setur með reglugerð²⁾ nánari ákvæði um framkvæmd laga þessara. Í reglugerðinni skal mælt fyrir um fresti til að skila umsóknum, form og efní skjala sem byggð skal á við umsókn styrkja, fyrirkomulag útborgunar á námsstyrkjum, hvaða upplýsingar umsækjandi skuli veita þegar sótt er um námsstyrk og aðrar reglur er varða nánari framkvæmd laga þessara.

¹⁾ L. 108/2011, 4. gr. ²⁾ Rg. 692/2003, sbr. 760/2004, 829/2006, 532/2007, 903/2007, 922/2007, 644/2010 og 28/2011.

■ 9. gr.

□ Lög þessi öðlast gildi 1. júlí 2003. ...